

周易屬辭通例通說

周易通說目錄

上卷

對直初上錯綜

諧聲

象

數

數

數

八月七日

初筮原筮大衍

元亨利貞西南東北仁義禮知
吉凶悔吝无咎

下卷

天地陰陽剛柔雷風水火山澤

道德時位

易象卦爻

中正貞用

三極三材

帝神大極

先後上下

天子帝王公侯君臣父子夫婦昆弟朋友

地名人名

字旁

通說卽通例屬辭之零星而總貫之故多複前文
二十目畧分次序大概前數條說例已後取易中
常用字觸類比勘見聖人繫辭皆有例可推其各
條不離卦爻字數易中確有此例不厭詳也通說

著最後定彙最先亦有例辭中要義通說曾未及
者二編詳畧互見咸豐三年中秋遵義蕭光遠書

周易屬辭通說上卷

遵義蕭光遠著

一對直初上錯綜中文

大易六十四卦。卦名雙字。上篇小畜同人大有。噬嗑
无妄大畜。大過習坎八卦。下篇大壯明夷家人。歸妹
中孚小過。既濟未濟八卦。卦名同字。上篇小畜大畜。
大有大過同人五卦。下篇大壯小過家人。既濟未濟
五卦。例皆相配。而下篇多四卦。何也。蓋三十二卦。對
三十二卦。對待之體。三十卦對三十卦。中孚再起。流

行之用。其知三十二對三十二。序卦乾至恆九十二陽百陰。遯至未濟九十二陰百陽。禘卦乾至恆七十八陽百十四陰。渙至夬七十八陰百十四陽。各奇耦相配。此足証矣。卦不對則孤。一對一則滯。又以三十卦對三十卦。而中孚起卦氣。此天地間變化不窮之理也。易道則天二十八宿循環周天之內。六十四卦。周流三百八十四爻之間。此直卦所由取也。以卦爻字証之。對卦之例。圖位乾對巽。乾从乙。取巽當乙位。序卦乾對咸。咸从戌。取乾當戌位。此兩卦對取。坤對

恆。恆對未濟。坤西南兼未申之位。此兩卦隔取。乾對咸。咸稱取女。所謂老夫得其女妻也。坤又對大壯。壯从士。所謂老婦得其士夫也。履對益。益對否。履二不自亂。否二不亂。羣履三位不當。否三位不當。履四志行。否四志行。履五位正當。否五位正當。此隔一卦取。猶小畜對損。損對泰。小畜初復道。二牽復。五富以其鄰。泰三不復。上城復。四不富以其鄰。隔一卦取也。習坎對中孚。孚从子。坎位也。離對小過。有飛鳥象。南方朱鳥。離位也。坎對中孚。而中孚大象似離。水中有火。

也。離對小過而小過大象似坎火。中有水也。他對例
準是直卦之例。頤上直大壯錯觀。象稱觀頤。夷二直
觀錯大壯。爻稱馬壯。蒙四直賁錯困。稱困。豫五直咸
綜恆稱恆。隨四直明夷稱明。大畜二直復稱輶。巽四
直觀綜臨。品取臨。芴无妄二直蠱對井。耕取井。芴。巽
上直賁綜旅。喪其資。斧取旅。革初直遯。黃牛之革取
遯。節二直明夷。出門庭。取明夷。泰二直小過。遺取小
過。爻惟此遺字復二直否。休取否。爻惟兩字此皆足証。但以
六卦直六爻。如乾屯需定在初三五。坤蒙訟定在二

四上不可無法以通之。如乾初潛龍勿用變姤姤初直屯勿用因取屯姤彖辭而豫四盍簪與潛芻同則又取屯二直大有大有二直豫矣大有二變離直豫豫四直離稱大有故也。他如眾允直謙允升直謙敦復直謙敦巳變謙敦臨直鼎敦復變屯錯鼎同人于宗直履睽五厥宗變履萃二引吉直履允上引兌變履易中諸例相因不可泥視。○其初上之例困初往上豐困初三歲不覲豐上三歲不覲此其確証又如賁初往上渙則賁之五爲渙之四故賁五邱園渙四

有邱也。賁上來初歸妹。則賁之二爲歸妹之三。故賁二賁其須歸妹三歸妹以須也。晉睽鼎三卦柔進而上行蹇上來初晉。則蹇之六四進爲晉之六五。家人上來初睽。則家人之六四進爲睽之六五。需上來初鼎。則需之六四進爲鼎之六五。凡彖傳上下往來以此推。上下往來原非虛象本義以十二卦爲例來註專取兩卦相綜訟則自需來鼎則由革進愚按凡言得中皆先不得中言得中應剛皆先不得中不應剛需五位乎天位以正中也何必于訟二言得中例由家人之三來而後爲剛來得中也。據同人柔得中應乾之例。則革六二應九五亦爲得中應剛何必于鼎五言得中應剛。例由需之四進居鼎五而後爲得中應剛也。○家人三變益訟二變否對益需四變。

支鼎五直支需四順
賤鼎五黃耳皆足証

大傳錯綜其數本義錯者交而
互之一左一右之謂也綜者總而絜之一低一昂之
謂也今觀錯法甚明啓蒙三十二圖是其例也綜法
益二卽損五皆十朋之龜姤二卽支四皆臀无膚豫
初卽謙上鳴謙鳴豫其例自符然謙二亦稱鳴謙則
別有鳴象也支四牽羊姤初象亦稱柔道牽則別有
牽象也損上象大得志益五象亦大得志則取益上
來初益五卽損上也又如需訟相綜需小有言在二
訟小有言在初則訟初變履履初直豐豐初直需故

小有言同也。萃升相綜，孚乃利用禴，皆在二，則升二變謙對萃，故利用禴同也。既未濟相綜，既濟曳其輪，濡其尾，竝在初未濟分繫初二。由既濟初往上未濟，故濡其尾用未濟彖辭，未濟初往上既濟，則未濟二即既濟之初，故曳其輪用既濟爻辭。若但以兩卦相綜爲例，則說可通者少，不可通者多矣。一低一昂爲綜，即一上一下，一往一來，皆爲綜。故初上往來亦綜例也。中文錯綜似涉支離，嘗以蒙卦求之。蒙之中爻，始觀旅，蒙彖兩我兩童，觀爻一童兩我，旅爻一我兩

童蒙三勿用取女。全用姤象辭。則此例亦不可廢。互雖古法。茲不常取。互卦止于十六。不能周遍。故也。

二諧聲

顧亭林先生易音彖。惟取蒙解震。見四卦。爻惟取四十餘。爻通所可通。闕所不可通。誠爲善本。韻其例。專取尾一字。如坤霜方章囊裳黃永。六爻相協。亦不入韻。似猶有未盡者。今以雙聲疊韻求之。卦名頤當三九。明夷當四九。頤上變復。夷上直復。頤二復。頤變損。夷二復。夷變泰。對損。此易爲明夷而作。特以諧聲示

例也。爻象與卦名相諧。如剝五變觀。稱貫歸妹上變

睽。稱剝。解四變師。稱斯坤四變豫。稱譽井五直咸。稱

寒。井與豫對。井稱寒。大過上稱頂。諧鼎。鼎與觀對。

咸。井與豫對。井稱寒。大過上稱頂。諧鼎。鼎與觀對。

股諧蠱。蠱與隨綜。故稱成於執。困三稱疾。藜諧節。離

過小。變大。過對節。此足為對卦之証。但離亦有

今音推易。久兩離字。否四稱離。變觀。小過上稱離。直

因對觀。因三稱藜。直判三變。是對觀。又因與井綜。

歌少司命。辭旗離。知連用離字。亦當入韻也。說文

賦。禁離朱楊。釋木黎山。精精才亦作離。子虛大過初

鼎四稱薄諧剝无妄匪正諧震茂對諧兌乾咸寧諧
咸臨姤咸章諧含章皆諧卦名也他泛取諧聲如噬
嗑稱利用獄萃二利用禴變困困初直噬嗑升二利
用禴變謙謙初直噬嗑是也如離四稱棄直鼎乾初
陽氣五同氣兩爻變鼎解三君子之器上藏器兩爻
變鼎是也離四變貞綜噬嗑突焚元棄皆用獄象器
象器之口犬以守之與獄从二以守義

同要與幽諧履困歸妹三幽卦數在臨三稱憂取豐

豐幽不

本此

豐對无妄故曰其要无咎也

履幽人變无妄例合周與

舟諧中孚渙三舟繫傳三周

知周周流

德舟取履彘故

曰周之盛德也。又震爲雷，取困葛藟困上來初漸中位震爻，惟困上稱動，故曰雷以動之，巽爲風，取豐諧。豐中位巽，豐初往上，蠱故風从虫，豐錯渙有散義，故曰風以散之。坎爲雨，取羽諧，漸上稱羽，三五稱孕，故曰雨以潤之。羽取習坎字，从子，十二支子當坎，五音羽屬坎，不但聲諧，其形義亦妙相關也。說文：羽，水音也。从雨，羽聲。蓋古人制字，其音諧者，其義原自相通。孔繫乾健坤順，坎陷離麗，需須晉進，嗑合之類，可以見例。朱子本義亦謂啞爲市，嗑爲合，易中必參此例而後義理象。

數。活潑流。一。易中用韻。大概卦名爲母。彖爻象因

之。如隨爻。獲嘉。隨古音禾反離爻。錯歌。嗟沓。若嘉。小過彖

爻。可宜彼離。此倫乾爻田人淵天印用本卦韻小過錯中孚。中孚爻

它鶴和靡罷歌。又如撝謙變小過。漸上爲儀。直小過。

噬嗑上稱何。直小過。泰二稱河。直小過。大畜上稱何。

直大過。兌初稱和。對大過。剝上稱果。頤初變剝。稱朶。

夷初變謙。綜剝。稱垂。古音陀觀二稱閔。取隨。闕从門規聲規古音

居何反鼎對觀。稱虧。古音去禾反此皆彖爻之因卦名爲例。

也。若中孚稱魚。初爻稱虞。坤初稱冰。小象稱凝。蒙初

稱發小象稱法。又爻象之以象爻爲例也。竊意易字取旁則必取聲。但其條理今不盡知耳。

三象

易者象也。象也者像也。自王輔嗣掃象。學者憾焉。但易書未遭秦火。羲皇卦畫。文周彖文。孔子十翼。固無恙也。去古雖遠。象遂不可求乎。竊謂一奇一耦。陰陽象也。重之八卦。八象也。重之六十四卦。六十四象也。而六十四卦字。明日月象也。需雲雨象也。畜田象也。泰水象也。屯艸象也。困木象也。謙禾象也。噬竹象也。

眚目象也。頤首象也。恆心象也。損手象也。蹇足象也。
履尸象也。否口象也。謙言象也。訟公象也。姤后象也。
臨臣象也。孚子象也。歸妹婦象也。安女象也。壯士象
也。噬巫象也。隨工象也。豫象象也。蒙家象也。遯豚象
也。解牛象也。角象也。蠱虫象也。賁貝象也。離禽象也。
習羽象也。比七象也。履舟象也。漸車象也。夷弓象也。
睽矢象也。萃衣象也。履屨象也。易中萬象。已具于名
卦之時。至繫以彖爻辭。如載鬼見斗。入幽谷。躋九陵。
為左股。折右肱。飛鳥遺音。小狐濡尾之類。仰觀于天。

俯察于地。近取諸身。遠取諸物。孔子離十三卦。與說
卦一篇更充其類。皆兩間自然之象。易特摹寫出來。
王輔嗣馬得而掃之也。乾稱龍。而說卦震爲龍。坤繫
馬。而說卦乾爲馬。似不可曉。今例推坤牝馬。五變比。
比五直困。中位乾。乾爲馬也。晉錫馬五直。隨對困遯。
二黃牛直坤。坤爲牛也。大畜艮馬直无妄。應天數。離
畜牝牛。應地數。又可以卦數定乾馬坤牛之象也。乾
五飛龍直需。中文震。震爲龍也。乾以五爲主。與蒙五
屬五。同人于野。屬五。
外震當青龍之位。又可以星象定震之爲龍也。龍取

蒙童蒙豕兩童故複震爲龍猶狗取噬嗑獄豸獄从
兩犬複艮爲狗羊諧大過枯楊大過兩楊複兌爲羊
也王君謂爻苟合順何必坤乃爲牛義苟應健何必
乾乃爲馬是幾以說卦爲可廢如爻辭九馬說卦乾
坎震稱馬應九九彼固習焉不察矣說卦一篇雖說
八卦而全易之義理象數畢貫其中九家逸象如乾
爲龍爲衣乾之爲龍此何待說衣裳取諸乾坤固已
明言何嘗逸乎孔子未言虎象馬氏兌爲虎虞氏坤
爲虎艮爲虎程傳本義乾爲虎愚按履三四稱虎兩

爻變小畜稱西郊則兌爲虎是也。虎由履彖取蒙彖
爻三童履彖爻三虎字有龍虎相對大過四棟隆頤
四虎視諧聲龍虎相對文言雲從龍風從虎亦龍虎
對言圖位震東兌西震爲龍則知兌爲虎。易中東西
甲庚左右龍虎皆一例。然則兌旣爲虎何以又爲
羊也。曰大壯五喪羊變支支五直乾乾用九見羣龍
羣从君从羊。乾爲君則亦爲羊矣。乾兌相連兌亦爲
羊。此易象之活。猶離爲龜以震龍兌虎例之。龜當爲
坎之正象。頤初靈龜直坎損五益二朋龜皆變中孚。

例取中孚對坎與比初有它直。夬初變大過直中孚。大過有它吝。中孚有它不燕。例皆取坎三龜三宅北方龜蛇象。說卦取離錯坎。故曰離爲龜也。乾爻六陽止繫五龍。大壯夬歸妹共繫五羊。履頤草共繫五虎。說文戊字註。戊中宮也。象六甲五龍相拘絞也。辰屬龍甲有六而甲午旬無辰。故曰六甲五龍也。由是推寅屬虎甲辰旬無寅。則亦六甲五虎也。甲申旬無未。則亦六甲五羊也。米濟卦爻兩未并草兌各一未五未五羊其數適符乾乘六龍而一龍擊孚。坤上龍戰于野。龍取童。童諧

同聲

同人主爻在五五變離離五直震震

乾用九繫

羣龍當同人卦名五龍五同相配乾初二五上稱龍三四不稱龍同人初二五上稱同三四不稱同履初二五上不稱虎三四稱虎履綜夬又繫三號夬二上兩號變同人震初兩號直萃對同人易例宛轉關生朱子所謂靠定象去看便滋味長又謂先見象數的當方得理不走作其此之類也夫

四
數

萬數始于一奇一耦故易者數之原以圖觀之其例

有二據說卦乾健各章則乾一以至兌八

乾一坎二
巽三震四

巽五離六據出震二章則震一以至巽八

震一巽二
離三坤四

兌五乾六由是乾震轉九坎巽轉十各與天地數相

配以卦字旁觀之乾从乙乙與一諧乾當一數也泰

五帝乙直乾此乾一之証震从辰辰从乙損三疊一

人直震此震一之証兌从八八者兌數也故訟旁从

八合之六十四應八八數也

序卦論六

離从九九者

離數也

離六離三
合之成九

故二九爲十八蠱在第十八卦蠱

噬益三卦同血旁共八十一應九九數也

蠱十八噬
益二十一

四十二。○噬節同竹 艮从匕目。比睽分用艮字。上篇

比起八。下篇睽起八。比對睽。睽對訟。訟旁从八。艮卦

數五十二。比訟睽卦數五十二。可以見例。訟六比八

艮少陽而當八。與兌錯也。此卦位與序卦取數之大

概也。孔繫天一地二一節。舊說天一生水。地六成

之云云。雖經無確據。然前五數屬生。後五數屬成。亦

天地自然之理。故彖爻如泰稱乙。夬稱陸。泰夬相對歸妹

稱乙。漸稱陸。對一六 坎稱貳。離稱戚。對二七 履三武人直

弇對頤。弇武諧五。頤實諧十。對五十 畧見對待之象。如

益諧一。損稱二。臨稱八。震稱九。

臨震相對

益稱十。稱遷。

益諧

震稱百。稱厲億。是百千萬億。其數流行相生也。以對待則五十居中。以流行則五六居中。要不離五。交易變易皆五也。說文五五行也。从二象陰陽在天地間。交午也。故吾字特繫中孚。五位乎中。又中孚下兌上巽。應巽五兌五之數也。但易之取數如損二。益三人。一人。震百里九陵七日。一卦而數有不同。一文而數有不同。惟變所適不可泥視。星起角。天地數起牽牛。解芴从角从牛。解豕辭來復復稱至日。所謂冬至。

日在牽牛也。解對履。履對益。益从水。有天一生水之義。故益當天一。履當地十。節上直解。當期日。此易數之符。爻辭蠱四幹變益。噬嗑兩乾變益。乾三乾變履。對益。孔子益傳用韻。獨與乾坤同。七爻亦取中孚二變益。直益以爲著數所起。益與一諧故也。

五數

序卦无妄應天數。天屈西北爲无。此卦示例也。无妄五直噬嗑。噬嗑繫兩乾。此爻示例也。乾上窮之災。无妄上窮之災。此象示例也。離應地數。坤牝馬。離牝牛。

此彖示例也。黃裳元吉。黃離元吉。此爻示例也。百穀

麗土。六十四卦此一土字。傳示例也。○豐應天地數

六十四卦獨噬嗑。从筮卦與豐綜說文四與筮數也。

數起天地也。豐五變草。卦名草。从三十。三十年爲一

世。而道變更也。爻辭三稱十年。屯復兩稱三年。既濟

五稱三歲。同人坎五歲五年相配。在天爲歲。在人爲

年也。易例歲取咸。彖年取謙。彖五歲卦數加咸二百

二十八。同人十三坎二十九困四十七五年卦數加

謙百九十六。屯復二十七頤二十七既濟合之四百

二十四除未濟當六十四卦數有三百六十當期之

日。○若依數計。

十年當十年三年當三年三歲當三歲

則三十六年十

五歲共五十一以三十二年應萬有一千五百二十
之策餘十九年應一章之算。若以咸卦爻六咸當六
歲則五十七年應三章之數。以坤三含章。始五含章
豐五來章三章例之也。以謙卦爻七謙當七年。則六
十四年應卦數以未濟三年例之也。豐爻又繫三節
三統歷七十二歲爲一部。則三章三節皆隱取天地
數。由是推明夷當六六文箕蒙難陰盛之極也。草

當七七湯武革命陽德方亨也。卦之德方故未濟當
八八。又應少陰策。著之德圓。故解當少陽策。遂應期
日數。隨當九九。乾不息飛龍在天之象。隨宴息羣龍
无首之義也。震為雷為龍。隨象澤中有雷亦能潛之象。无妄大亨以正。乾
之元亨利貞也。離照四方。坤之西南東北也。豐天地
盈虛與時消息。乾初潛藏。豐上自藏。說卦坤藏天地
之數有藏于不用以為用者也。天數在需初變并屬
天文。地數在需上變小畜屬地理。天地數在履初變
訟。彖惟訟訟對明夷。明从日月。兼陰陽之義。明夷上

直復當乾策

登天取

日月合明觀乎天文也復上直

豫當坤策

先迷復取

豫州天下之中察乎地理也復上

變頤諧夷則天地之數會于訟對明夷乾坤之策統

于明夷故明夷上交合繫天地而天地之心亦藏于

明夷而見于復也卦數明夷當二百二十八故卦義

獨殊爻數睽上當二百二十八故爻辭極險

睽上直明夷

小畜初當七七爻稱復自道取七日泰四當八八爻

稱以其鄰諧臨取八月解應少陽策當期日皆來復

之義其少陽策在大過上交獨稱頂諧鼎筮用少陽

之數。鼎當大衍之數也。大衍數在小畜二爻繫牽復

取解來復

小畜二直鼎鼎二直解牽取解旁

示少陽之象也。天地草

而四時成卦。應七七也。天地節而四時成。上應期日也。草治歷。歷數所狂也。節制度數。周天之度也。節上直解變中孚。孚系从子。又起卦數。循環不窮。

六數

易例卦爻取數字。亦取數伏羲畫八卦。八而八之則六十四。文王名卦。因八而取八十。故六十四卦。卦名八十字也。其同八字。八卦數也。因六十四而取六百

四。故彖爻眾卦名六百四十八也。其餘八字。八卦數也。因八十而取八百。故彖爻卦名。合大有共八百二十也。因八百而倍之。故孔繫眾卦名。千六百二十有奇也。各餘數畧相配。卦名載例其卦名八十字。數在大有二變離直豫。此豫四稱大有直離所由取孔繫大有字三百八十四應爻數。所以別大有于眾卦之外也。○乾卦彖五五而五之應天數。坤卦彖三十應地數。乾爻五十應大衍數。坤爻四十八應策數。乾坤爻共九十八數。在隨二變兌乾天坤地兌有人象。此三才

之義。乾坤兌象共三十六字。數在訟上直明夷乾

坤兌爻

兌爻二
十六字

共百二十四字。數在噬嗑四變頤此

夷頤諧聲之例。○爻字少莫過兌多莫過困困象十

一。爻八十三共數在豫四此亦卦名取豫離大有之

例。○各爻字有獨少者否三恆二大壯二解初兌上

此五爻十字皆有頤夷象

否三包蓋直需三直頤
恆九二悔也直節節二直

明夷大壯九二貞吉變豐豐二直訟對明夷解
初六无咎初往上明夷兌上引兌引取夷彖 ○爻

字有獨多者復上二十五字爻變頤睽上二十七字

爻直明夷此與上皆夷頤諧聲之例。○他如雨而取

需六兩六而言公說取訟兌十二言六公六兌兌卦

六說志取之彖爻六十七之孔繫六十七志彖爻二

十小孔繫四十小爻十履孔繫二十履訟三初應履

三虎比三驅應屯三馬解三狐大小象各繫三乎彗

三品乾坤姤各繫一品彖爻十三我取同人童蒙

同聲象辭蒙匪我否匪孔繫三十民取同人小象民

人匪字亦取十三示例七初爻直同人民字三十數在需上因三人取三十

民心同人卦十三應兌數兌卦象爻字三十應離數十四大矣哉取大有之類例取大聖人繫易

故取需屑屑如此蓋理數不相離大易所以別于諸經也

七 八月七月

易用九六而七八之數著于復臨。二老二少。循環不窮也。夏至陽之老也。而少陰生八。冬至陰之老也。而少陽生七。但少則浸長。故七八有分至象。臨至于八月。至臨直井。井甃从秋。八月秋分時也。此以分該至也。復七日來復。爻稱至十年。象稱至日。此以至該分也。二至二分何所驗也。曰八取小畜。小畜小過卦數七十一。爻在否五變。譬此分至之証也。卦名譬有至日象。卦辭臨井二至。卦數六十七。爻在否初直屯例。

取屯對晉。爻除至臨不計。他卦坤復需解稱至。卦數七十一。與小畜小過直晉同。此亦分至之証也。卦辭解繫來復。爻辭解三四稱至。小象乾三稱反復道。文言乾三知至至之。兩至倒取解爻。此可見復有至象也。○說文分別也。从八从刀。刀以分別物也。按剝解从刀。卦數六十三。爻在泰三變臨。此可見臨有分象也。剝解合小畜小過共百三十四。爻在剝二直訟。訟旁有八象。剝與漸對。剝二稱辨。有分義。漸二變巽。巽二史巫紛若。从分。巫字例取噬旁。故孔子于噬嗑曰。

剛柔分。噬嗑上來初節。故于節曰剛柔分。剛柔分猶
春秋分也。○臨稱咸臨何也。曰卦位坤七坎七師第
七卦。下坎上坤。足以見例。兌八艮八。比第八卦。不足
見例。故彖稱寧諧臨。臨稱八月。初二繫咸。咸下艮上

兌應八

數。乾臨變。同此。

○又易例歲取咸。咸臨稱八月。年

歲日月寒暑。其例相因。臨初二兩咸變坤。坤三稱含
諧寒。屯三稱含諧暑。屯與晉對。晉四稱鼠亦諧暑。晉
四直豫對井。井五稱寒直咸。故咸四標寒暑往來之
義。寒暑亦分至之驗也。坤姤稱含。卦數四十六。比四

直升與井
五變升同

屯賁頤稱會晉稱鼠卦數八十七

爻在謙
三與屯

三直
謀同

共百三十三合咸三十一凡百六十四爻在大

過二變成直明夷以咸爲例又日月寒暑爲類也咸

四變寒直旅寒有寒象旅有暑象寒旅卦數九十五

爻在豫五直咸變萃萃綜臨此皆咸臨之例可引伸

也○敦臨敦復何也爻辭敦臨敦復敦見三敦隱取

鶉首鶉火鶉尾之象此與八月皆天文類詳休否休

復否五變晉復二變臨也頻復頻禴禘三直臨見復

臨相因也○甘臨甘節節者一年分至啓閉之節爻

辭姤四稱起。孔繫訟震稱起。坤復稱閉。此又見啓閉之例也。○彖辭六日。爻辭十三日。共十九應臨卦數。除五三日應五星。則十四日應大有卦數。又五三日爲十五。三七日爲二十一。共三十六應明夷卦數。大概易準天地。日月相推而明生。寒暑相推而歲成。二分二至四時之大關限。故于剝晉等卦名寄之。又于復臨一陽二陽示之也。小畜小過剝解晉五卦之數。百六十九爻在坎初變節可見矣。○又大有从月。臨稱八月。晉从日。復稱七日。明夷初直臨。上直復明从

日月兼八月七日之義。故八月七日合爻象觀之。隱關商周之事。蓋易例月幾望取臨。說文幾訓微與幽。訓隱其義相做。履道坦坦幽人貞吉。文王囚于羑里。所謂幽人也。幽與憂諧。作易有憂患而爻獨于臨稱。既憂則知月幾望亦可憂時也。月幾望由微而彰。周德之盛也。七日得天心來復。文王出羑里之時也。文王蒙難。狂明夷以分言。則日者君象。月者臣象。殷降虐而文布德。率叛國以事殷。猶夜間日伏地下。而月代明也。月借日光。盈滿則食。故臨致警于八月。爻辭

三稱月幾望由上而五由五而四

小畜上歸妹五中孚四

至中

孚四變履履四愬愬从朔望而反于朔此聖人所以履盛滿而不亢也以德言文王如日月之照臨明夷之時于四時爲冬貞下起元也于一日爲夜亥子之交也于周家則天命維新將曉而驟暗之機也六四明夷之心上稱天地天地之心在明夷也因明夷四稱腹上直復故孔子于復曰復其見天地之心

八 初筮原筮大衍

蒙象曰初筮告以剛中也指二取內卦坎比象曰原

筮元永貞无咎。以剛中也。指五。取外卦坎。此坎七之數也。蓋筮用七七數。直師。七七數。直草。取草錯蒙。則于蒙稱初筮。謂七七數一週也。取師綜比。比再起七數。則于比稱原筮。謂七數再起也。互舉坤二直比。爻稱不習。與習坎例符。○比原筮元永貞。原从泉。永象水。至理之長。皆有坎象。故爻辭七坎七永。孔繫七習七息。例皆相關。○大衍取坎也。天地之數五十有五。而大衍止于五十者。于地十中存五。以爲母。在八卦則取坎十之五也。

乾一坎二。見三震四。辨五。離六。坤七。兌八。乾九。坎十。用又虛。

一者存天一以爲極。在八卦則取乾一也。蓋坎復數得十二。存五不用則七七四十九。著之德圓而神。由此取焉。坤坎同旁。坎數存五亦與坤七數同。故在天地爲地十。在易爲坎十也。乾復數得十。虛一不用則乾元用九。由此取焉。故在天地爲天九。在易爲乾九也。乾者卦之宗。一者數之始。坎位正北。四時之冬。四方之北。四肢之背。皆常在不用之地。大衍于乾數用九存一。于坎數用七存五。皆自然之理。又由震起一。坎恰當七。

震一得二離三坤四兌五蓋坎數存五體
乾六坎七艮八震九

之所以立坎數應七用之所以行坎共得十九則又
閏數之所以積坎之爲卦造化之樞紐存焉。○以卦
名証之泰益漸渙既濟未濟六卦从水除未濟周卦
數五卦共二百二十八二百二十八者陰陽之餘策

大衍用四十九老陽餘數十有三老陰餘數二十有五合之三十有八柔以六爻之位則二百二十有八

少陽餘數二十一少陰餘數十七與上同十九年所積餘分之日數古人

置閏所取也。十九年共二百二十八日朔虛六日共積餘分二百二十八日

說卦潤萬物者莫潤乎水潤芴从閏有閏義文惟漸
三五兩孕漸三直渙對坎五直中孚對坎孕从乃子

乃取草彖。草數七七。八音草屬坎。十二支子當坎。此

坎十九之數。隱括一章之算也。彖七卦稱孚。

需訟觀坎損支

草卦數百九十三。卦文孚字三十五。合之二百二十

八。例與上同。履虎尾否之匪人。同人于野。習坎。見

其背。中孚豚魚。上篇四卦。卦數六十四。下篇二卦。卦

數百十有三。以上篇爲例。下篇除六十四卦數。餘四

十九。應七七數。

七七數在小畜初直草六卦共百七十七數在離三直草例符此六

卦例。主習坎。以示著法。亦與水旁六卦相關也。○問

通例。大衍取大有。此取坎。二卦何以相通也。曰。大有

包全易。凡稱大如大極大始大德大中大衍皆屬大。有坎當子位。造化之始。故特有大衍象也。

附習坎

八純卦皆單字。重卦坎獨稱習坎。則宜入彖字數。然習加坎上。非見其背之例。故習入彖字。則單字卦四十九。應著七七數。雙字卦十五。應天五地十數。彖字百六十四。除百。應六十四卦數。習入卦名。則卦因八。而取八十。雙字卦上下篇各八。見第一條雙字不同字卦。上下篇各三。唯唯无妄習坎明夷歸妹中孚彖字卦字。習坎兼之。此

猶大衍之數五十。其用四十有九。一既不用矣。而必具數。既具數而仍虛之。此眾妙之門。全易之樞。

附筮法變卦

說文六。易之數。舍變于六。正于八。从入八。段氏註六爲陰之變。九爲陽之變。聖人以九六繫爻。而不以七八。金氏楊曰。乾鑿度謂七八爲象。九六爲變。故象占七八。爻占九六。一爻變者。以變爻占。是爻占九六也。六爻皆不變。及變兩爻以上者。占之象辭。是象占七八也。公子重耳。筮得貞屯。悔豫。皆八。董因。筮得泰之

八。穆姜筮得見之八。凡陰不變者爲八也。七。說文易之正也。从一微易。从中袞出也。段氏註易。用九不用七。亦用變不用正也。然則凡筮陽不變者當爲七。但左傳國語未之見。按金氏凡陰不變者爲八。非也。卽所引三卦論之。穆姜得見之八。是謂見之隨。五爻皆變。惟六二不變。雖見卦四陰三變。一不變。說尚可通。若得泰之八。乃六爻不變。泰三陽三陰之卦。陰陽皆不變。非獨陰不變也。貞屯悔豫。屯初九。六四。九五。三爻變成豫。亦陰陽皆變。非陰不變也。段氏承其訛。

遂謂凡筮陽不變者當爲七。義尤未協。安溪李氏周易通論云。當時用爻辭者。以九六爲標識。用卦辭者。以八爲標識。貞屯悔豫三爻變。見之隨。五爻變。皆無專動之爻。泰卦不變。則亦無所動之爻。凡此者。于法皆當占卦。故竝曰八也。爻貞論筮法變卦。三條最明。哲足証前後之謬。

九

元亨利貞。西南東北。仁義禮知。

乾元亨利貞。周公繫五龍。孔子稱四德。或疑各不相屬。竊謂潛一元之象也。見一亨之象也。飛一利之象。

也。亢則用九見羣龍无首吉。无首有潛之意。貞而反

于元也。

初潛四淵三惕上悔各兩爻為例。

乾繫元亨利貞。惟屯隨臨

无妄萃五卦元亨利貞。大有稱元亨。不稱利貞。小畜

獨稱亨。豫獨稱利。師獨稱貞。

以上隨舉先見之卦。

坤繫西南東

北。惟蹇備西南東北。解稱西南不稱東北。小畜獨稱

西。

卦對

升獨稱南。

卦對大有

例畧相倣。蓋元亨利貞合訓。

則大通安正。分之應四時。此所以六卦元亨利貞亦

六卦四時也。

乾承觀恒革節

西南東北對舉。則坤西南。艮東

北。分之為四方。此所以坤蹇兩西南東北。亦離姤兩

四方也。在天元亨利貞。在地西南東北。在人仁義禮。

知。在時春夏秋冬。文王彖辭元亨五十三利貞五十。

三。春夏與秋冬適均也。十三元十四亨三十九利十四貞。周公文辭。

元利九十四。亨貞百。春秋與夏冬適均也。十四元八十九利四亨。

六九貞數獨多者。貞正也。正大而天地之情可見。故

彖爻貞合百一十。兩應天地數。又貞卜辭也。一曰鼎

省聲。元亨利貞數共三百。爻在鼎上。鼎元亨。金鉉利

貞。所以示例。○彖辭東北獨畧。猶元貞數從少也。爻

三。西隨上小過一東既濟五一南明夷三猶利數多。元亨

數少也。獨不稱北。蓋天地之用。在西南。其體在東北。而北尤造化樞紐。故貞數多者。所以明卜筮之用。北位隱者。潛龍勿用。大衍虛一之義也。四德獨于臨五。稱知。文言四德。又獨不言知。而稱貞固。貞固字例。由无妄四爻象取。可貞无吝。因有之也。无妄四直臨。臨五知臨變節。綜困有固象。以口取困。以古取苦節。此不言知。而知在與爻。不稱北一例。孔繫四德知數獨多。又與爻貞數一例也。六十知在後上直節。以知臨變節爲例。○彖辭乾坤屯蒙。十八元亨利貞。孔繫乾坤三十

利貞。爻辭乾坤屯蒙。十八元亨利貞。孔繫乾坤三十

六元亨利貞。此取應明夷卦數。明从日月。上交合。繫
天地之例。乾曰天行。四時之行也。坤曰地勢。四方之
勢也。在人四德性也。故繫于乾。四支形也。故繫于坤。
支與之諧。爻惟无妄三一爻四之字。變同人。同人三
直泰。泰三象獨稱天地。三才之義。于乾坤二卦發之。
易見曰。朱子以詁經爲學。其釋易元者大也。仲尼翼
易。元者長也。必曰元之謂大。則大哉乾元。宜爲大哉
乾大也。六籍稱元。其義皆取諸長。不謂大大之與元
相去千里。故周公占爻。別之爲元吉大吉。元吉以立

極而言。大吉以備福而言云云。按釋元爲大。非朱子臆說。屯元亨利貞。隨元亨利貞。彖傳皆曰大亨貞。臨无妄萃三卦元亨利貞。彖傳皆曰大亨以正。以大釋元。何至相去千里。至元吉大吉之例。損稱元吉。小過稱大吉。文王彖辭已具。不待周公占爻始然。大有元亨。元吉大吉。例皆取大有。損六五元吉。自上祐也。祐取大有天祐。萃四大吉。无咎直。否對益。益初元吉。无咎。變觀對鼎。鼎大吉。无不利。可見元吉大吉。義例本通。其元吉十三。大吉四。蓋彖辭十三元。爻因合損彖。

成元吉十三。卦名大有大畜大壯大過四大。爻因合小過成大吉四。此自易例。故元者善之長。大爲元之正義。長乃其副義。猶貞固幹事。正爲貞之正義。固乃其副義也。訓元爲大。例本孔子。如何爲朱子病。○文王第一字元。孔子第一字大。大哉乾元。例亦三才。詳下卷。

十吉凶悔吝无咎

說文吉善也。从士口。凶象地穿。交陷其中。按吉陽之德。凶陰之象。故大易以此二字爲占例。卦下直繫吉。

卦德獨優也。貞吉得正則吉也。貞凶固守而凶也。終
吉保其終與終凶終吝者異也。大吉元吉一例而大
義差違。往吉征吉一例而往義較緩。征有凌于一往
之勢。故往不言凶。征言凶也。○洪範占用二卦辭師
直繫貞。萃獨稱悔。卦數師起七。萃應七七。著德圓而
神。故爻辭七无悔。以元例。文六无悔復七日指卦无
咎。首繫師亦此意也。○彖无吝字。爻于屯蒙起例。蒙
初四兩吝。變睽對訟。由訟吉凶生義。○无咎者中平
之道。故師前卦訟備吉凶。後卦比備吉凶。師特繫无

咎。彖辭无咎八。應八卦數。爻辭无咎八十七。除七應
師卦數。因八而取八十也。又咎五五而五之。應无妄
卦數也。孔繫无咎四十八。咎八共五十六。爻在履二
變无妄。大壯上解三增兩咎。卦數七十四。爻在同人
二直履亦取履二變无妄。无妄得七七之中。无悔悔
亾无咎。皆由此取也。爻辭自乾至師七无咎。應師卦
數。乾小象文言七无咎。亦應師卦數。師二四五稱无
咎。三爻變萃。此以起萃六爻无咎之例。○說文咎从
人从各。各者相違也。師錯同人。同人對萃。萃有二人

相從之象。故六爻无咎。小象增兩咎。大壯上直否。否上變萃。解三直萃。爻辭小畜隨睽三何咎。小象同人解節三誰咎。例皆相倣。○全易吉多凶少。悔多吝少。

吉百四十有四。凶百八十四。吝二十四。

陽兆吉。陰兆凶。陽性悔。陰性

吝也。人性本善。其流于惡。陽剛之德不足。勝陰柔之私也。卦辭訟比。爻辭屯五恆五。皆先吉後凶。若咸二凶居吉。草上征凶。居貞吉。
爻辭此凶。又見凶變爲吉。
轉移在人也。悔向吉。吝向凶。介吉凶之間。无咎善補過。介吉凶悔吝之間。此占例之大凡。○卦辭解兩吉。

爻辭復上兩凶何也來復則吉復極而迷則凶矣卦
辭惟訟比兼吉凶何也曰訟對明夷易爲明夷而作
吉凶悔吝之占往往見明夷例訟終凶指上上直明
夷比後夫凶指上上變觀例取觀頤蒙二兩吉直觀
復上兩凶變頤皆觀頤明夷之例豫三兩悔變小過
繇頤困上兩悔變
訟對明夷
例同此小象特于既濟五變明夷增一吉字曰吉
大來西鄰受福否過泰來也○爻辭悔字先繫于乾
上乾上直訟訟初往上革革四悔亾直明夷恆二單
繫悔亾直節節二直明夷文蒙難而武革命其德靡

悔所以悔也。咎字之例。爻每于常例无咎之外。變文以示。夬初爲咎。變大過錯頤。小畜初何咎。變巽對頤。隨四何咎。直明夷。睽五何咎。直晉綜明夷。蠱三无大咎。變蒙對明夷。姤三无大咎。變訟對明夷。坎四終无咎。直姤。姤四直訟對明夷。而解初單繫无咎。小象剛柔際與坎四同義。无咎與復三同。復三變明夷。又惟大有初稱匪咎。艱則无咎。爻直謙謙初變明夷。蓋明夷利艱貞。艱則无咎。文王所以免羸里之厄。有初之艱。乃有上之天祐也。頤夷卦數六十三。爻在泰。

三。艱貞无咎。食福亦此義也。○爻辭无咎。首繫乾三。例取變履繫傳三陳履九卦。其稱文王與紂之事。繼之曰懼以終始。其要无咎。可知聖人作易。莫非吉凶同患。使人歸于无過之地也。彖辭師比隨復恆損困。艮八卦繫无咎。卦數二百二十八。應明夷數。爻在睽二。夷全易咎字百。應明夷數。爻在隨四直明夷萃六爻无咎。二引吉无咎。引取夷荀終之曰齋咨涕洟无咎。可以見例矣。孔子學易。無大過。其亦无咎之意乎。

受業 楊炳宗 校

李友鸞

受業 唐起典刊

男 永京書

周易通說上卷

周易屬辭通說下卷

遵義蕭光遠著

一 天地陰陽剛柔雷風水火山澤

乾爲天取聲。坤爲地取形。此非孔子懸擬之。爻數明夷上當乾策。復上當坤策。因明夷上直復兼乾坤之策。故此爻合繫天地。此乾天坤地所由取。陰陽剛柔因之。彖辭支稱揚庭有陽象。支五陽稱揚。剝五陰不稱陰。而遺音繫于小過。小過綜頤諧夷也。大過四陽爻繫枯楊。老陽象也。小過四陰。彖稱遺音。老陰象也。

爻惟泰二稱遺直小過變明
夷遺與夷諧明夷數當六六大過綜中孚稱在陰翰

音大過兩楊變小過稱遺音皆示音陰諧聲彖爻一
揚兩楊一陰兩音見三畫之乾坤具三陽三陰也泰
否各三陽三陰陰陽之中乾坤初爻陰陽之始故乾
初陽在下坤初陰始凝乾坤上爻陰陽之終乾上窮
之災陽窮也坤上其道窮陰窮也陰疑于陽必戰說
卦所謂戰乎乾陰陽相薄是也乾坤合于泰否天地
繫于明夷故孔子于泰否晉明夷天地交天地不交
明出地上明入地中皆彖傳與大象同而泰否兩卦

七天地。所以陰陽剛柔健順並稱也。孔繫附卦爻三十五天地。合明夷天地共三十六。應明夷卦數。陰陽各十八。合之三十六。應明夷卦數。天地陰陽字載坤卦。彖爻無剛柔字。剛與亢諧。乾上亢龍變。柔取茅茹。大過初白茅變。夬有陽象。孔子因此取剛柔。小象屯豫噬嗑震困五乘剛。夬稱柔乘五剛。因五陽稱五剛。則知乾初陽在下。大過初柔在下。乾三四重剛不中。兩爻變中孚綜大過。兩重取大過。兩棟。兩剛取大過。兩楊與泰三天地際。坎四剛柔際。皆示天地陰陽剛柔。

一例也。易道不外陰陽剛柔。迭乘互用以大分論之。則陽剛爲善。陰柔爲惡。其實皆有善惡。故先儒有剛善柔善。剛惡柔惡之說。若論易道。則用柔之意居多。乾五變大有。坤五變比。比元永貞。不如大有元亨。比剛中上下應。不如大有柔得尊位大中而上下應。蓋坤利牝馬。離畜牝牛。地道妻道臣道。君子所以自處。亦內文明外柔順之旨也。○至六子象。雖視其卦體卦位。而偏旁諧聲。亦各有取。震爲雷。雷取震旁也。巽爲風。風諧豐聲。又取蠱旁也。

風說文八風也。風動蟲生。故蟲八日而化。

从虫凡聲段註云大戴禮淮南書皆曰二九十八八
主風風主蟲故蟲八日化也謂風之大數盡于八故
按蟲八日而化故風之字从虫
按蟲在第十八卦例適符 坎爲水坎畫三有水象

離爲火離爻初然二黃四焚有火象隨上西山西乃

兌方而艮爲山艮从匕目澤有有橫目象而兌爲澤

此取兌艮相錯也澤說文光潤也从水睪睪目視也

按澤有从李與執有同說文執亦訓捕辜人澤古音

澤易例兌說也澤與說諧說字初見蒙初蒙初說桂

言正損例符六象惟震雷艮山兌澤例有專屬大

過井鼎升漸不稱風稱木有困象也屯需不稱水稱

雲屯解不稱水稱雨有小畜雲雨象也蒙不稱水稱

泉有井泉象也。草不稱澤。稱水。有既濟象也。噬嗑豐不稱火。稱電。電从申。取離應地數也。離與晉明夷不稱火。稱明。示明夷之義也。天地八象。畫前之易。陰陽剛柔。易之質幹。動靜消息盈虛。易之精髓。十翼發揮其例。讀易者乃得門而入。

二 道德時位

易例以卦字爲主。彖爻象因之。若彖辭所無。則以爻辭初見爲例。爻辭所無。象辭自以初見爲例。如復彖稱道。上變頤道。从首取頤。彖小畜初復道。變巽對頤。

履二履道變无妄對巽。巽對頤。隨四在道直明夷。諧
頤。明夷四稱左腹。左取隨。左腹取復。皆象爻。以卦
爲例。又爻與爻自爲例也。爻辭此三道字坤先迷失道上象
其道窮。失道與道窮爲例。坎兩失道變中孚。節兩道
窮變中孚是也。中孚對坎道窮又與得中道爲例。比其道
窮。對解得中道。節其道窮。對離得中道是也。故既濟
其道窮。得中道。拉繫也。坤三地道。妻道。臣道。地道。四
道變謙。謙天道。地道。天道。地道。人道。疊五道。解三直
萃對謙。疊五盜。此又取諧聲例也。○道與德爲類。復

稱道。訟三變。姤錯復稱德。德與得諧。坤彖兩得。恆爻

兩德。皆爻以彖爲例。姤綜小畜稱德。恆錯益稱德。皆

爻與爻爲例。爻辭此五德字大傳九卦九德。恆又稱一德。與

爻兩德相應。上下繫各九德。說卦一德。此又孔子之

自爲例也。爻辭三道。天道地道人道也。三道應明

夷卦數。小畜九履十隨十七共三十六明夷爻備天地人也。五德。仁

義禮知信也。恆兩德變困。困彖稱信。乾稱四德。又曰

忠信所以進德。此可見矣。孔繫百道取明夷。七十二

德取否對姤。亦依爻例。百數在隨四直明夷七十二數在否上道德字

百七十二。應大有字數。故乾十四德。大象十四德。皆取大有卦數也。此百七十二。爻在坎四直。姤姤綜小畜。爻惟小畜備道德字也。一陰一陽謂道。道有君子小人。泰傳君子道長。小人道消。德亦有凶有吉。恆其德貞。婦人吉。夫子凶。然大

意多主善邊。故曰和順于道德而理于義。爻惟歸妹四一時字變臨。臨稱八月。于時爲秋。四時之一也。襟卦獨稱大畜時。大畜對兌。說卦兌正秋。特揭四時之義。无妄對時。對諧兌聲。既濟五象。西鄰之時。西取兌方。皆原臨八月起例。既濟五變。明夷。孔繫九四時。

應明夷卦數。

四九三
十六

明从日月也。大象无妄革兩時。

卦數七十四。爻在同人二直履。孔繫時字共五十六。

爻在履二變无妄。亦无妄對時之例。爻惟萃五稱。

有位。小象六三位不當。履否豫臨噬嗑睽兌中孚未。

濟九爻。九四位不當。晉夬萃豐小過五爻。

因四雖不
當位例同

此九五位正當。履否兌中孚四爻。大壯位不當。在五。

歸妹位不當。屬三。

傳征凶位不當也。无攸利柔乘剛也。按歸妹中四爻皆位不當。三上

皆柔乘剛。上文无攸利三象未當。故位不當。屬三三變大壯亦合。

其位當二。臨既濟。

皆六四。

既濟六爻位皆當。四變當位。五賁寒皆六四。革對臨故當與臨一例。

當位五。賁寒皆六四。

遯節皆九五

節四五皆當位。傳當位以節中正以通。辭若分屬。因遯剛當位五直需節五往。

有尚同豐初。豐初直需故與。遯一剛遯五變旅。錯節亦合。

需位乎天位對家人家

人正位正位。需上變小畜對蹇。蹇當位當位。此又以
疊字見例也。乾六位時成。而上言无位。則知初亦無
位。大傳亦但稱二三四五。不及初上。蓋初二地位。五
上天位。二五各居卦中。以二統初。以五兼上。乾初潛
龍勿用。乾坤上交之後。各繫用九用六。地位虛潛。天
位戒亢。惟人成位乎中。雖處多凶多懼之地。不可一
日不素位而行。以副生成之德。彌天地之憾也。然乾

上无位。需上雖不當位何也。萃有位。直同人對。因。

于乾上變。夬言无位。需上承五而言。五變泰對。夬。

言不當位。泰五直乾爻德之美兼取乾象本位固不當也。噬嗑中濟雖不當位皆指六五可見。

故大壯五變。夬直泰。獨繫位不當也。履五稱。夬首繫。

位正當也。大壯主夬履主夬。由是位不當皆六三九四六五。

則知九三六四九五與六二皆當位也。而二獨不稱。

位當不當。惟同人柔得位指二。家人女位乎內指二。

同人二直履家人二變小畜相綜爲例。又履小畜闕。

文王與紂之事。所謂其要无咎。其用柔中也。大壯五。

萃四小過四。占无咎悔。而與晉夬豐同位不當。履五
兌五辭皆危厲。而與否中孚同位正當。此猶同人初
又誰咎。解三因直萃對同人。亦稱又誰咎。惟變所適。
美惡不嫌同辭也。又履否兌中孚四卦之三五同位
不當位正當。履兩位變大有。兌兩位變大壯。臨三四
兩位變
大壯否兩位變旅對大畜。中孚兩位變大畜。與時大
同此時義大時用大。同主大有也。中孚三直夬對同人。五
直萃對同人。又見萃有位直同人之例也。孔繫位字
七十八。依爻例也。數在同人
上直大有大衍章稱五位。上下繫

各五位。文言說卦兩稱六位。上下繫說卦十二位。此又自爲側也。萃稱有位在五。五爲君位。此自易之名分。然卽夷五稱箕子之明夷。則知遯五爲微子之行。遯旅五爲文王之羈旅。旅魯諸瑩周公東征三年亦有旅象不得以箕子非君。遂生異說。因五剽別既濟五東鄰西鄰皆不拘常例

三

易象筮著卦文辭

說文易。蜺易。蠃。守宮也。象形。祕書說日月爲易。象金易也。一曰从勿。按詩胡爲虺蜴。毛傳云。蜴。蜺也。箋云。虺蜴之性。見人則走。說文虺。注。虺以注鳴。蠃。注。在

壁曰蛭。在艸曰蛭。易。蛭注。一曰蝻。蝻。蝻注。榮。蝻。蛇。醫。以注。鳴者。則知易一物而數名。亦惟其變化莫測也。易从勿。說文。勿。州里所建旗象。其柄有三游。或从於。作旂。按易卦首乾。乾。秀从艸。有日象。旌旗象。則知易。倒取乾。又說文。易。載。勿部。易。開也。从日。一。勿。一。曰。飛揚。則知易有易象。以易統會也。夬。揚庭。大壯。五稱。易。變。夬。可見矣。彖。辭。訟。惕。六。晉。錫。五。三十。夬。揚。三。四十。卦。數。八。十四。爻。在。大有。上。直。觀。屯。三。姤。四。十。升。四。十。豐。五。十。四。卦。稱。勿。卦。數。百。四。十八。爻。在。无。妄。四。直。觀。爻。

辭二十勿。在蒙二直觀。此觀頤之例。訟稱惕。晉稱

錫。蓋訟錯明夷。晉綜明夷。惕錫从易。易爲明夷而作

也。

孔繫八十三易合爻兩易數在謙初變明夷

爻大壯旅兩易。小象大有

五一易。大象恆一易。繫傳兩稱作易。

作易其知益作易有憂患

兩

稱聖人作易。兩稱易之興。皆與爻兩易相配。爻辭

三惕。乾惕若變履。小畜惕出。支惕號卦皆綜履。此作

易有憂患。九卦所爲發端于履。而三稱易之爲書。亦

爲三陳履九卦設也。

象一惕一錫一惕取三數爻兩錫兩易兩惕三惕取九數例符

○序卦豫與井對。豫地理。井天文。豫从象。井錯噬嗑。

从筮象數自在天地間。聖人仰觀俯察而得之。孔繫

剝

二十

鼎

五

小過

六

十三

卦

稱象

卦數百三十五

又上下繫象字三十七。共百七十二。應大有字數。豫四稱大有之例。卦爻豫字五。孔繫豫字十五。共二十。應觀卦數。天祐一爻直觀之例。豫象共百九十二。倍之則三百八十四。與孔繫大有字數同。○筮數也。筮首繫于蒙。再三數目字亦首繫于蒙。蒙三不稱蒙。變蠱直噬嗑。故蠱先三後三。由再三取。巽五變蠱直噬嗑。與蒙三同。故亦繫先三後三。巽二又稱巫取噬芴也。

彖辭蒙比稱筮。爻辭睽稱噬。卦數五十。應大衍數。以噬嗑卦爻五噬合之。則五十有五。應天地數。此所以噬嗑初上不稱噬。變豫。豫四稱大有盍簪。大有自天祐之。取諸乾坤也。○說文著。蒿屬。生千歲百莖。易以爲數。从艸耆聲。按易例。著取尸諧。亦取離耆。尸取履。前耆取

履考履。師兩尸。變井錯噬嗑。離三大耆變噬嗑。爲例。噬

嗑綜賁。有園象。故曰著之德圓而神。○說文卦筮也。

从卜圭聲。按卦有坤土之象。所謂卦德方以知也。例

取益三用圭。用从益與履對。益圭由屯三。班變履取益三直昇。

此與九卦始履終彛合也。孔繫卦字二十九。

八八卦
三設卦

兩成卦兩存乎卦兩陽卦陰卦
乾坎坎坎離離彛又卦字三

又在需五直坎蓋說

卦舉離乾坎艮四卦。又舉彛坎離三卦。卦數二百二

十八。乾坎共三十離三十艮五十
二彛五十七又坎離五十九此與泰濟六卦从

水一例也。見上卷
第八條又孔繫除八八卦。應六十四卦數。

餘二十一應噬嗑數。筮卦爲類。○爻交也。象易六爻

頭交也。大有兩交。隨睽兩交。噬嗑兩校。有六爻象。

顯成

中字三爾亦
示六爻例

故孔子于泰否各繫三交以見例。文言

乾爻一。示天祐一爻例也。上繫爻六。下繫爻九。九六

者爻之用也。爻字共十六。應豫卦數。因噬嗑兩校變
豫取筮象爻爲類。又豫四稱大有。爻統于大有也。○

乾三修辭。變履直屯。履對益。益上偏辭。變屯直節。節

上來初噬嗑。又因筮言辭也。作易有憂患。則陳九卦。

聖人吉凶同患。情見乎辭。則舉六辭。其義相因。九卦首履

乾三修辭變履可見蓋自噬嗑从筮。爻辭乾初稱潛。豫四稱大

有盡簪。簪取潛彳噬豸。豫四直離對小過。小過上是

謂諧未。未濟上失是諧筮。萃兩筮爻兩是小象則知乾无妄兩試此易例則知

三百八十四爻。始潛終是。皆有筮象。易爲卜筮之書。

故也。潛有乙象。爻辭第一字也。

說文曰部替从日統聲曰从口乙聲

按泰五帝乙直乾與此一例

是从日正例取无妄匪正无妄應天

數又得七七數之中。聖人作易教人進退不失其正。成就一個是而已矣。

四

中終正貞征用

卦何以名中孚也。嘗以數求之。彖爻象凡稱中正皆得數之中也。老陽數九九八十一。損在四十一卦是損得老陽數之中也。爻數師五直損變坎坎對中孚。師五特稱中行。小象此行損五不稱損變中孚。中孚五

特稱孚變損。損對小畜泰。小畜卦數九。泰卦數十一。合損卦數共六十一。與中孚同。是中孚之卦。以其變損對坎而名也。彖惟訟豐稱中。而訟豐卦數合之六十一。與中孚同。孔子履九卦以損居中。亦取中孚之數也。九九數損居中九損對泰。泰二中行。下卦之中

也。夬五中行。上卦之中也。益三四中行。兩卦之中也。

復四中行。變震也。屯三稱林中。文變既濟既濟三直豐豐二三

四稱日中。變臨。諧林。例取臨對震。與復四變震。又中

正之例。爻中詳本卦少陽數七七四十九。无妄卦數在二

十五是无妄得少陽數之中也。中則正矣。故无妄獨

稱正。

中字對坎行有尚合爲中行无妄
匪正對豐日中合爲中正正中

易例貞皆訓

正。无妄四可貞取損象以示中正之例。經惟无妄一

正。一止爲正也。

孔繫正字七十四數在同
人二直履履二變无妄

卦義損與

節相近。損可貞。節不可貞者。損得九九之中。節與噬

同。竹筍應九九之數也。

噬嗑二十
一節六十

明夷三不可疾貞

直噬嗑所以示例。○中與終諧。卦象訟豐中孚三中。

象辭訟謙既濟三終。爻辭乾豫既濟三終。日豐三日。

中訟象爻四終豐象爻四中屯三林中直謙有終皆

示諧聲彖爻終字二十九數在需五直坎取坎對中

孚也○征取正苟无妄匪正卦錯升稱征吉无妄上

直賁賁對歸妹稱征凶全易惟賁一政征諧貞聲故征吉征

凶與貞吉貞凶其例相因蓋三終三中一正兩征各

取三數相配原始要終以爲質故終字六爻竝繫中

則專指中爻故爻辭初上不稱中彖傳正中五中正

十六皆屬二五初象六正屯蒙隨臨晉艮上象四正乾師離巽三

象一正剝惟四不稱正示无妄四可貞之例小象初

上不稱中惟震上稱中未得示中正諧聲之例无妄

稱正應天數。豐稱中應天地數。此所以中正正中疊繫。而无妄二四不稱无妄變中孚。與損五不稱損變中孚一例也。彖爻孚字四十一。應損卦數。中孚字合卦名。共五十有六。應天地數而餘一。取一中爲大極可也。中从口。與損旁同。口音固說文員次口部。損中孚卦數百有二。應四大卦數。卦彖爻中字十四。應大有卦數。故彖爻疊繫有孚。孔子于大有特稱大中也。○說文用从卜。从中。按彖辭惟損兩用。取損當九九之中也。乾用九見天則。坤用六以大終。皆損過以就中也。彖辭

用字八。卦數也。爻辭用字五十。大衍數也。益三兩用
綜損。蒙初兩用變損。大壯三兩用直。小畜對損。他卦
皆利見大人。獨升用見大人。初直謙。他卦皆利涉大
川。獨謙初用涉大川。謙升卦數六十一。應中孚。卜中
爲用。以易例推。固不謬也。又說文。召用也。从反己。此辰
巳之蒙初兩用。因稱以爻辭。以二十三。合損卦數四
十一。共六十四。應卦數。此又見九六之用。周乎六十
四卦。故六十四大象皆稱以也。大象于泰否豫大畜
升。各增一以卦數。百有十一。爻在臨三變泰。取泰對

損兩用也。犬象惟明夷。小過兩用。卦數九十八。爻在

隨二直大壯。取大壯二變豐。豐二直訟。與訟豐兩中

相應也。○中者下上通之義。說文段注下上通者謂中直或引而上或引而

下皆入其內也无過不及之名。中孚綜大過。錯小過。中所以

節其過也。小過稱上下。爻稱過不及。皆因中生義也。

中無定體。天地之數以流行。則五六居中。以對待則

五十居中。由是推天數。屯初地數。屯三天地數。需四乾

策。臨初坤策。否上同。少陽策。大有上少陰策。豫初老

陰六六數。大有四少陰八八數。訟二大衍數。需初莫不

有中。如屯初志行正。需二衍在中。亦可見矣。

五

元 橈 三 極 三 村

元統天地人也。說文元始也。从一从兀。兀高而上平也。从一在人上。讀若覓。仁親也。从人从二。臣鉉等曰。仁者兼愛。故从二。正譌。仁从人从二。二古文上字。元之轉注。蓋元从二从人。仁則从人从二。在天爲元。在人爲仁。人所以出于萬物之上者。仁也。舊說从二聲。誤。按說文一部。惟初大始。道立于一。造分天地。化成萬物。其釋元與一。倣元从一从兀。兀亦从一。是元有

兩一。一天也。一地也。杜其下人也。在天爲元。元具天
地人之象。在人爲仁。仁亦包天地人之理。元統天地
人。故乾元亨利貞。以元爲全易第一字。離利貞亨不
稱元。則大象稱大人。咸亨利貞不稱元。則大象稱受
人。遯亨小利貞不稱元。則大象稱小人。大象此三人字兌亨
利貞不稱元。則卦字从儿。蓋稱元則三才在其中。不
稱元故稱人以見例也。○橈兼天地人也。橈从兀。兀
从一。在人上一天也。儿人也。上从垚地也。三才之位
明夷主人繫初天地繫上則人位下。謙傳天道地道

人道則人要終下繫傳有天道有人道有地道則人

位中泰否之卦中位兌則天地隨時上下而人常位

乎中故撓翁在兀上亦泰象也○易例在載材字

皆取撓翁乾三在三四五稱在變貨賁錯小畜九

有十睽八三載三卦卦數六十一文在泰皆示三

才之義乾五在天天道也文直需需五變泰立天之

道曰陰與陽陰陽取泰傳乾二在田地道也文直坤

立地之道曰柔與剛柔剛取坤乾四在淵人道也文

直蒙蒙四稱困困四直復立人之道曰仁與義仁義

取復

復二三稱仁義兩爻變泰。文言乾四云中不在人。則知三爲人位。而爻辭在淵屬四。蓋乾三

繫君子故。人位屬三。三因俱人位。故三才取四。

易例極取棟莠。

見通例。

則知三

極之道三才之道二而一者也。彖十三元應兌數乾

元。坤元寄於人也。

卦爲同人。

爻十四元應震數乾元坤元

屬之長子也。彖二十七元應頤卦數乾坤之元會於

觀頤也。大過錯頤頤應乾坤數。

卦位乾數十六。坤數十一。共二十七。

大

過得天地數之中。故橈有元象三極三材率不外此。

乾上節二未濟初三極字。上繫六極字。因三而兩之。下繫三稱三材。因三而三之。

○又三才

之義觀大象可見。乾稱天。坤稱地。咸稱人。恆稱易。咸

前卦離稱大人。恆後卦遯稱小人。二篇之首。特示易
兼三才。大象惟恆一易字。恆與大過各一立字。皆所
謂立天之道。立地之道。立人之道也。惟泰復姤三后
字。后有人象。與離咸遯三人相配。惟泰一象三稱天
地。亦與三人相配也。泰稱財成。三變臨。小象惟泰。天地臨。
三直困錯資。財从貝取。賁从才取。困三變大過。財
亦取撓。劬。大過三四輔。相由泰取。泰否卦具乾坤中位。兌此三
材之義。所以特寄于泰象。泰否乾坤合卦。繼以同人。
明夷上稱天地。繼以家人。夬姤對泰否。繼以萃。萃从

二人豐應天地數。繼以旅。旅从二人。爻辭亦同人旅。人竝稱。則自名卦序卦之時。已示三才之義。○又頤。夷諧聲。卦數共六十三。爻在泰三。此又明夷爻具天地人。泰三象特繫天地之根。全易卦象爻人字五十有五。兼天地之數。孔繫地字百有二。天字二百有四。天倍於地數。人字百五十有三。倍之同天地之數。四聖之書。若合符節。

六

帝神大極兩儀四象

帝統天地也。說文肅諦也。王天下之號也。从二束聲。

帝木芒也。象形。讀若刺。按泰五帝乙直乾變需。帝从

束。取需速。斂。

束束俱从木。

需中爻震。說卦帝出乎震。由此

取帝乙直乾。則帝本乾象。而黃帝堯舜垂裳取乾坤。

則帝統天地也。○神統乾坤也。說文神。天神。引出萬

物者也。从示申聲。示天垂象。所以示人也。从二。古文

三垂。日月星也。按神从示取天象。从申取坤。斂。繫傳

易與天地準。歸於神。无方易无體。一陰一陽謂道。歸

於陰陽不測謂神。乾策坤策。歸於祐神。至精至變。歸

於至神。乾坤闔闔。歸於咸用。謂神。故知神統乾坤也。

孔繫乾五兩神觀兩。○大極之說以帝神例之。出震神大有上直觀之例。

一節冠以帝。則帝者超乎八卦之外也。乾五變大有。稱天地。稱況人。況鬼神。豐應天地數。稱況人。況鬼神。謙稱天地人。稱鬼神。則神者超乎天地人之外也。三極之道。則天地人各一極也。由大極而兩儀四象八卦。則大極者超乎八卦之外也。若切而求之。則乾坤是也。而坤統于乾。乾六爻統于五變大有。故乾大生。坤廣生。又天地之大德曰生。乾坤合一也。乾陽物。坤陰物。又立天之道曰陰與陽。則坤統于乾也。易六位。

成卦而聖人之大寶曰位。大寶取鼎則大有上直觀對鼎兼乾坤也。大德大寶與大衍大極皆冠以大。可知神妙一節不言乾坤。天祐一爻取諸乾坤。二十二卦十九爻以大有上繫天五地十之數皆大極之例。互見通例大有圖。兩儀謂天地也。儀與宐諧。說文宐所安也。从宀之下。一之上。多省聲。古文筮窆。大有五直臨臨五大君之宐。例由豐宐日中取豐應天地數。宐从宀。宀交覆深屋也。有天覆象。从一。一猶地也。多省聲。天地數五十有五。多之象也。爻惟漸上一儀。

字直小過小過宜上宜下。卦對離。離稱兩作。則兩儀
又隱取小過兩宜也。豐對无妄。天數小過對離地數
故天地之宜繫于泰。使民宜取諸乾坤。此則兩儀取
天地之証也。有天地則有四方。四象謂四方也。象取
豫。旁。豫屬地理。故知爲四方。卽四方正隅。八卦成列。
故曰四象生八卦。

七 先後上下

易稱先後坤否相因。蠱巽相因。同人放睽相因。皆指
八卦方位而言也。坤稱先後五直。泰上直。否否卦坤

在內爲先迷。泰卦坤在外爲後得主。否上先否。猶之
先迷後喜。猶之後得主。否極轉泰。故曰先否後喜。此
皆取圖位之兌。而乾坤爲其先後也。○泰否中位兌
蠱中位震。震正東爲甲。蠱五直爻對泰下乾上坤。圖
位先震三位乾。後震三位坤。此蠱之取三數。謂本卦
有泰象也。兌正西爲庚。巽五變蠱下巽上艮。圖位先
兌三位巽。後兌三位艮。此巽之取三數。謂本爻有蠱
象也。○同人五先號。後笑。直同人對萃。萃五變豫。豫
五直咸對既濟。既濟上卦坎。圖位坎前二位兌。有號

象坎後二位震有笑象

兌爲虎
震笑言

此取二數以坎爲主

而兌震爲其先後也。旅上先笑後號直豫豫上直恆

對未濟未濟上卦離圖位離前二位震有笑象離後

二位兌有號象此以離爲主而震兌爲其先後也。睽

上先張後說爻來初需需上直離此亦主離而震兌

爲其先後震爲長子有張象兌有說象也。○同人隔

數卦而取既濟以旅上直豫知之同人大師克相遇

諧豫也。睽上卦離而別取以同人例之同人五變重

離也。○文言乾五先天後天九卦損先難後易何也。

乾五變大有大有三上兩天乾對咸咸五直巽巽五直噬嗑巽兩庚噬嗑兩乾因先庚後庚取先天後天象又噬嗑震離合卦乾右三卦離左三卦震先後亦隱取三數乾爲主而震離爲其先後也噬嗑兩乾變益故先天而天弗違天且弗違取損益爻兩弗克違天且取睽爻睽三變大有故也○損上直歸妹歸妹上變睽睽先張取夷菊損先難取艱貞明夷綜晉易取晉錫菊損極而益夷極轉晉猶夫否極轉泰也坤在首二卦稱先後既濟在尾二卦稱初終睽三无初

有終。彛五无初。有終。與先後例倣。○乾坤坎離之卦。乾爲天。宜上。坤爲地。宜下。故乾主五。坤主二。然乾下坤上爲泰。坤下乾上爲否。何也。天高地下。否則天自上。地自下。乾坤不交。必天氣下降。地氣上騰。而後成泰也。離爲火。宜上。坎爲水。宜下。然離主二。坎主五。離下坎上爲既濟。坎下離上爲未濟。何也。火炎水潤。未濟則火自上。水自下。坎離不交。必水升火降。而後成既濟也。坤稱先後。謂坤先乾則迷。後乾則得主。此泰否之象。小過稱上下。謂離不宜在坎上。宜在坎下。此

既未濟之象。故小過上逆猶坤之先迷。下順猶坤之
後順也。坤與小過所以相屬。小過對離。離應地數也。
又小畜小過卦數七十一。爻在否五變。否有飛鳥
不下來之象。晉有鳥飛至下來之象。晉綜明夷。故小
過遺音諧夷也。泰二稱遺。取小過此見宜下亦泰例
也。小過稱密雲不雨。取小畜則知宜下爲既雨象也。
爻惟否小過兩離。則知小過上下皆指離也。自小過
稱上下。由是比中文小過稱內外。既濟中文震兌稱
東西。泰中文震兌稱左右。義例皆相因。參觀自見。

八 天子帝王公侯君臣父子夫婦兄弟朋友人

卦名訟从公。天子帝王公侯由此取。大有三公用亨。天子變睽睽對訟。泰五帝乙變需需綜訟可見矣。訟爻直在乾上變夬。夬因取王象。彖辭夬萃豐渙四王卦數二百有二。夬四十三萃四十五豐五十五渙五十九爻在大壯四直履履綜夬也。屯豫晉三侯卦數五十四。屯三豫十五爻在小畜上變需需綜訟也。坤否同人謙四君子卦數四十二。坤二十否十二同人十五爻在師上直益益對否也。彖君王侯十一。爻天子帝王公侯君四十九。一天子三

帝十五王六二侯二十君合之訟卦爻四訟字共六十四應卦

數也。帝王公侯有同辭。大有三獨稱天子。則大有列乎六十四卦之中。超乎六十四卦之外。此天祐一爻所以特取也。屯豫建侯。晉稱康侯。何也。虞從庚位西方。此隱商周之事。故晉繫康侯。明夷表文王也。屯兩侯直同人。益兩公變同人。何也。公侯皆方百里。百里爲同也。震驚百里例取同人于野大有爲天子。同爲公侯。大有錯比稱諸侯。其例相配。六十四卦。大象先王君子后上大人之稱何也。曰子取孚。旁孔繫大象五十

三君子。餘五十四君子。共百有七。合之中孚卦數六十一。百六十八。應少陽策。子當陽生之時也。比豫觀噬嗑復无妄渙。七卦稱先王。蓋彖爻十九。王此七王合之二十六。與二十六君配一例也。彖爻七先後。坤否同人睽旅。并。此因取七先王一例也。泰姤稱后。坤坤。盡。爻有王字。卦數五十五。應天地數。后有人象。與天地參也。復又稱后。與彖爻三後配。后後諧聲也。七先後外。又比。明夷。震。三後字。剝獨稱上離。獨稱大人。卦數五十三。與君子五十三卦配也。先王后九卦之數。二百二十八。比。八。豫。十六。觀。二十。噬。嗑。二十。

一復二十四无妄二十五

五十九泰十一姤四十四 渙 爻在睽上直明夷此與

泰益漸渙濟濟六卦从水旁例做故七先王下篇特

取渙以示例

七先王以下篇渙爲例上篇六卦卦數百一十四除五十九配渙數餘五十三

例與

上符臣取臨旁子取孚旁臨卦數十九彖四君子卦

數四十二合之六十一應中孚卦數易例君臣父子

取數適均

彖四君子爻蠱四父 逃蹇損小過四臣

則知蹇二稱王臣十

九王應臨數也卦彖爻四十二孚與四君子卦數配

也彖爻三十四子與爻三十四孚配也

皆見中孚卦

孚从

子孚後卦小過稱君臣臨前卦蠱稱父子師

丈人有父象。

說文斗从又舉杖

又稱長子弟子。師五直損。

五直漸。漸綜蠱歸妹。卦名歸妹。女子之序也。師稱長

子弟子。男子之序也。由是隨丈夫。

師丈比夫合爲丈夫蠱父母。

漸夫婦。歸妹士女家人父子兄弟夫婦。例皆相因也。

家人對師兄長並韻朋友有信。五行屬土。爻惟損備朋友字。損

三得友取大有。此又見大有之異于諸卦也。○易以

人事明造化。咸取女吉。漸女歸吉。皆內陽外陰。姤女

壯勿用取女。歸妹无攸利。皆內陰外陽。家人女貞內

外皆陰。夫妻反目。夫征不復。婦孕不育。皆過剛之象。

裕父之蠱往見吝。婦子嘻嘻終吝。皆用柔之失。咸損
睽稱天地萬物男女。乾道成男。坤道成女。造化人物。
其理一也。○同人家人卦數五十。應大衍數卦彖爻
人字五十有五。應天地數參天地者人也。乾五變大
有直需大有綜同人合爲大人。凡稱大人皆乾五象。
乃大人不繫需而特繫訟訟旁从公于大人義爲協。
又訟五直晉對屯利建侯利見大人一例也。彖爻大
人各六六者訟卦數也。孔繫附卦爻聖人十二。聖人
卽大人也。賢人五。未附卦爻聖人二十五。合之三十

應離數離大象獨稱大人故也。爻辭否觀剝遯大壯解草。七小人與大人君子連繫否二小人吉。大人否亨。遯四君子言。小人否。不許亨也。師大有既濟三小人。師上稱大君。大有三稱公稱天子。既濟三稱高宗。亦隱與大人君子對也。彖爻二十君子。十小人。陰數減倍也。孔繫附卦爻二十小人。陰陽數均也。例除下

人未 計 卽大象君子小人可見矣。惟遯大象稱小人

十一小人則與大象五十三君子相配合二 匪人小人一

類也。小人首繫師上爻直益對否否 丈人武人一類

也。荆人惡人。一類也。

蒙初荆人變損。旅初惡人直成。

主人行人旅人。

一類也。

明夷初主人變謙。旅上旅人直豫。

長人由丈人取也。

師爻因丈人稱。

長子。文言。因長子稱長人。

宮人因家人取也。邑人由同人取也。又

邑人武人與一人二人三人。有諧聲例也。乾上賢人

在下位指三。

二在下位而不憂。

三變履。坤四賢人隱直履。隱

有幽象。履二幽人貞吉。故賢人幽人吉人。皆文王也。

躁人誣善之人。則謂紂黨也。文王聖人。而周孔以幽

人賢人別之。蒙難艱貞。自晦之意。可久則賢人之德。

可大則賢人之業。易簡理得。成位乎中矣。

德業由乾三進德修。

取業

九地名人名

易有地名人名之例。地名豫也。豐也。西郊也。西山岐山也。商與殷也。以對卦觀之。并與豫對。并取天文。豫取地理。恆與坤對。恆取天文。坤取地理。小畜履與蹇解對。履虎尾取天文。小畜西郊取地理。解从角从牛。取天文。蹇備西南東北取地理。无妄大畜與豐旅對。天屈西北爲无取天文。元田爲畜取地理。旅初往上。并取天文。豐周邑名。取地理。豐稱王。王者孰謂。謂商

王也。勿憂。宜日中。謂王宜明照天下。如日方中。卽天
王明聖之意也。六五來章。有慶譽吉。謂五能來下卦
離明。持盈保泰。則有慶譽而吉。猶泰五帝乙歸妹。以
祉元吉也。三折其右肱。卦錯渙。用拚馬壯。猶明夷夷
于左股。用拚馬壯也。豐岐皆在西。西山岐山用亨。西
鄰禴祭。皆周家事。豫大象殷薦。二直大過。殷之末世
取大過。大過稱本末弱。稱
避世。二直明夷。大過對兌。殷商爲類。大過
綜中孚。稱舟虛。履从舟。作易有憂患。九卦首履。聖人
之意可見矣。此地名例也。人名。包羲神農黃帝堯舜

氏也。帝乙高宗也。箕子文王湯武也。顏氏子也。上溯包羲畫卦之祖。帝乙爲殷之上世。高宗爲殷之中世。箕子當殷之末世。而文武造周。所謂周之盛德也。成周父子。文演易而公繫爻。孔門師弟。孔繫易而顏得復。先聖後聖。作君作師。心源遙接。而顏淵稱子。與箕子一例。顏箕之仁同也。箕子直判。顏子繫復。小象惟復一仁字。顏淵又繫氏與包羲神農黃帝堯舜氏一例。其卽爲邦兼四代。而孟子所謂禹稷顏子。易地皆然者與。此人名例也。大抵易之爲書。卽小畜履明夷見例。序卦履至明。夷二十七卦。

漢卦明夷至履二 豫錯小畜。故取州名豐五直小畜。
十七卦詳通例。

故取邑名小畜西郊。朱子本義文王演易于羸里。視

岐周爲西方。此解最的。以彖爻証之。小畜密雲不雨

自我西郊。繫于小過之五。初九復自道何其咎。繫于

隨之四。隨四有孚在道以明何咎。九三輿說輻。繫于大畜之二。大畜

二輿六四血去惕出。繫于渙之上。渙上血去逃九五有孚

學如。繫于中孚之五。富以其鄰。繫于泰之四。謙之五。

上九月幾望。繫于歸妹之五。中孚之四。一卦之辭。分

寄各卦。坤三直小畜。含章繫于姤五。可貞繫于无妄。

四。或從王事。无成。繫于訟。三。有終。繫于困。四。一爻之辭。亦分寄各卦。故小畜西郊。爲文王與紂之事。本義確然無疑。雖文王演彖于蒙難之日。周公繫爻于革命之後。孔子韋編于從周之年。辭義各有所取。然吉凶同患之旨。觸處闕通。惟彖爻隱而未發。至孔子于明夷曰。以蒙大難。文王以之。于革曰。湯武革命。順天應人。大傳曰。易之興也。其于中古乎。作易者。其有憂患乎。其當殷之末世。周之盛德邪。當文王與紂之事邪。辭雖未決。而大旨顯然矣。是以西岐地名爲類。

四

岐山直隸綏德故王用亨
岐山與隨王用亨西山同
文箕人名爲類

明夷五箕子變既濟

稱高宗亦人名爲類漢學家必讀箕子爲荻茲岐山則遠引陶

唐虞夏禹貢冀州治梁及岐似乎求奇太過遂因此斷爻辭皆文王所作更于易義未安也附論及之

十字旁

呂氏伯恭曰漢興言易者六家獨費氏傳古文易而不立于學官劉向以中古文易經校施孟梁邱經或脫去无咎悔凶惟費氏經與古文同然則真孔氏遺書也按今所傳王弼之易出自費直說者謂費氏本

古文王弼盡改爲俗書。茲証以說文。誠不無異同。然亦無大差謬。如豫四盍簪之簪。說文先首笄也。从人匕象簪形。俗从竹从替。今推簪由乾初潛字取。故从替。盍取嗑旁。則簪从竹取噬旁。其爲簪明矣。易家或作楷作戠。作宗作臧。似皆不如簪之合也。如損三細。細說文作壺。據小畜稱懿德。損對小畜。故繫壺。似說文爲長。然細取乾三因時。細取支三愠旁。又繫傳稱乾坤其易之細。則疑孔子本作細。細也。說文彳部。遯行難也。从彳。彳聲。易曰以往遯。口部吝。恨惜也。

从口文聲。易曰以往吝。木部。榘。判也。从木庠聲。易曰重門擊榘。又榘。夜行所擊者。从木橐聲。易曰重門擊榘。夕部。夤。敬惕也。从夕寅聲。易曰夕惕若夤。骨部。髒。从骨易聲。讀若易曰夕惕若厲。日部的明也。从日勺聲。易曰爲的顙。馬部。馵。馬白額也。从馬的省聲。易曰爲的顙。火部。炮。从火皂聲。讀若馵。顙之馵。丌部。𠄎。巽也。从丌从顙。此易𠄎卦爲長女爲風者。意叔重當時所見易本。遊吝榘榘。夤厲的馵。各有兩字。故引說如此。𠄎獨引爲長女爲風。則知惟說卦此字作𠄎。餘皆

引也。

繫。執。取。豫。豫。四。稱。大。有。有。所。从。辟。取。大。他。如。說。文。有。厥。孚。厥。躬。正。諺。梅。通。作。檢。俗。作。折。

引再三瀆作黷。祗既平作禊。豐其屋作豐。其牛掣作

齧。噬乾肺作食。亢龍作亢龍。漣如作漣。如振恆作楷。

恆童牛作僮牛。拯馬作拏馬。服牛作犗牛。文蔚作文

斐。允升作觀升。脫鞮作契。飪作熟。飪亦例推多。

合。若珮如作鹽。如馬。部。引。易。來。馬。馳。如。或。因。上。句。適。如。而。誤。縵有衣初作

需。有衣絮。糸。部。緇。縵。采。色。从。糸。需。聲。讀。若。易。縵。有。衣。按。此。衣。下。脫。字。絮。絮。縵。也。一。曰。縵。絮。从。糸。

奴。聲。易。曰。需。有。衣。絮。按。此。需。字。脫。誤。罔孚裕无咎。作有孚裕无咎。蓋。有。字。字。

莫。燠。乎。火。作。莫。暝。乎。離。履。虎。尾。愬。愬。作。號。號。

號。易履虎尾。號恐懼。一曰。號虎也。从虎。崇聲。蓋脫。
按虎尾。後卦爻。號。震卦爻。恐懼。震大象。蓋脫。

誤也。包荒作包兇。勿恤作勿邱。目部己事作日事。確



然作霍然。日昃作日厠。後世作後代。則其形義之相通也。又小畜三輿。說輻。易音云。子夏傳。馬融鄭元。虞翻竝作輿。說輶。今推小畜對損。損對泰。小畜初二兩復。泰三上兩復。小畜三一輻。泰三一福。小畜五富。以其鄰。泰五不富。以其鄰。易例自符。說文輻。輪轅也。从車。畠聲。輶。車軸縛也。从車。夏聲。易曰。輿說輶。據說文。引說輶。不引說輻。似小畜亦當作輶。然夏从畠省聲。

則知輶輻義異而形聲皆近不必深辨也

大畜二輿說輶直復

大壯輿輶直履履對解來復當別爲例

渙上逃出本義逃當作惕與小

畜六四同按渙三匪夷上逃出夷狄爲類說文逃遠也。从辵狄聲。古文作惕敬也。从心易聲。或从狄作。惇則知惕逃亦形聲相近。易例互見不足疑也。蓋字者孕字之義。六書之體生生不已。大易之理變變不窮。古今文字同異之處當非無因。然據王氏本彖辭不同字百六十有四。爻辭不同字五百五十。除三百八十四爻與九六字。餘字百六十有四。與彖辭同十

翼不同字五百五十。與爻辭同。如說文引易。偏主孟氏數多不合。則鄭君王君。雖附彖象文言于經。擅改古本。然三聖人之書。原自如出一手。分之可分。合之可合。大易一經。猶幸相臺版本無恙也。

受業

何文熙

沈清漣

校

受業王燦奎刊

男永京書

周易通說下卷